



17. august 2012

UKA 2012/38

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

2013-p ingerlanerani Kalaallit Nunaanni piniagassat avammut tunisassiarineqartarnerisa siuarsarnissaat pillugu 2013-p ingerlanerani misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut .

(Inatsisartunut ilaasortaq Andreas Uldum, Demokraatit)

Tunngavilersuut

Maannagaaq takusinnaalereerpagut aningaasarsiornikkut tuniniaanermilu raajat nunarsuarmi ataaqqisaasumik MSC-mik nalunaaqutserneqartarnerat iluaqsiisimasoq. MSC-mik nalunaaqtsiisarneq nunarsuarmi ataaqqineqarpoq takusinnaavarpullu sunniuteqaluartoq.

Nunarsuarmi tamarmi atuisartut soqutingigaluttuinnarpaat inuussutissat avatangiisinik innarliinngitsumik nungukkiartuutaanngitsumillu tunisassiarineqarsimanissaat. Demokraatit inuilllu amerlanersaasa nunami maaniittut nalunngilaat, uumasuutigut nujuartat mingutsitsitsinngitumik uumasut, pinngortitamut ilaareermata pisarineqartarlutillu nungukkiartuutaanngitsumik atuinissaq tunngavigalugu, naatsorsuutigisinnaanngilarpulli tamanna nunarsuarmioqatitsinnit tamanit ilisimaneqartoq.

Aamma Kalaallit Nunaata avammut tunisassiornerata takutippaa, mingutsitsinngitsumik nungukkiartuutaanngitsumillu pisuussutitsinnik atuinerput iluaqtiginngikkippuit. Qularutissaanngitsumik aalisarnerup – sualummik raajanik tunisassiornerup – avammut tunisassiornerput qaffasitsikkaa. Kalaallit Nunaanni nunarsuup sinnerani akinit pituttorsimajunnaamissagutta inuussutissaq ataasiinnaq eqqarsaatigalugu, taava allanik tunisassiornissarput eqqarsaatigisariaqarparput. Demokraatini isumaqarpugut piniagassaatitsinnik avammut tunisassiornerup misissuivigineqarnissaa siuarsaarniarutta alloriarnerni siullersaasariaqarpoq.

Kalaallit piniartagaat avammut tunisassiarineqarnerulissappata ilaatigut qanoq iliortoqartariaqarnersoq aamma piffissap qanoq ilinerani tunisassiorneq annertusineqartarsinnaanersoq misissorneqartariaqarpoq tassunga ilanngullugu uumasut sorliit (suullu taakkunannga tunisassiarineqarsinnaasut ilanngullugit) siunissami tunisassiarineqartalissanersut (soorlu uumasut eqqissisimatitat imaluunniit EU-mut eqqussoqquaanngitsut tunisassiarissallugit siunertaqanngilaq), suut tunisassiorfigissallugit pitsaanerussanersoq kiisalu suut naammassineqartariaqassanersut suliffeqarfii tunisassiorsinnaanngussapata taamatullu aamma kalaallit suliffiutaat tunisassiaallu piumasaqaatinut tunngatillugu qanoq inissisimanersut soorlu suut piumasaqaataanersut EU-p eqqussueqqusinnginneranut piumasaqaatit malinnejqassappata.

Aamma misissuinermi nalilsortariaqarpoq, piniagassaatigut qanoq pitsaanerpaamik tuniniarneqarsinnaassanersut. Tamatumani paaseqqissaartariaqarpoq, kalaallit piniagassaat

inuussutissallu tunisassiorfinnit isigineqarnersut kiisalu pilersaarusrusorneqassaaq kalaallit piniagassaataannik nerisassianut isiginninnerup allanngortinniarnissaa assersutigalugu uumasunik paarsilluarneq, avatangiisit nungukkiartuutaanngitsumillu atuineq angerneqassasoq kalaallit tunisassiaannik pisisoqarpat.

Qulaani taaneqartut killilersuutaasutut isigineqassanngillat, siunnersuutitulli misissuinerup sunik imaqarsinnaaneranik. Naalakkersuisut paasisimasalinnik sulisoqarpoq naliliisinnaasunik, misissuinermi suut immikkualuttut ilanngunneqassanersut sulinermi uumasuutitta nujuartat tunisassiarinerunissaannut angorusutagut ataqqillugit pilerisaarutigalugillu nungukkiartuutaanngitsumik piniarneq uumasunillu naalliutsitsinnginnissami tunngaviit aallaavigalugit.

Pisortanut aningaasatigut allaffissornikkullu kingunissai

Suliap piareersarnissaani sulisoqassaaq misissuinerullu suliarinerani, tassunga ilanngullugu pisortaqarfiiit akornanni sulianik ataqtigiissaarinermi, suliffinnik namminersortunik suleqateqarnermi kiisalu avataaneersunik pisariaqarpat siunnersorteqarnermi. Tunngaviusumik aninaasartuutit ¾ AC-årværkimit annertunerussanngillat, ilanngutereerlugit nutserinissaq.

Namminersorlutik Inuutissarsiortunut aningaasatigut allaffissornikkullu kingunissai

Aningaasatigut kinguneqarnerlussanngilaq imaluunniit siunnersuutip piviusunngortinnissaa allaffissornikkut inuutissarsiortunut namminersortunut aningaasatigut kinguneqarnavianngilaq. Suliffiit piniagassaneersunik tunisassiortut annertunngitsumik suleqataassapput suliffiit tunisassiorissaminnut piareersimanerisa paasiniarnerannut atatillugu.

Innuttaasunut aningaasatigut allaffissornikkullu kingunissai

Siunnersuutp piviusunngortinneqarnera innuttaasunut aningaasatigut allaffissornikkullu kinguneqassanngilaq.